

Ársskýrsla Landsaðgangs að
rafrænum áskriftum 2014

Efnisyfirlit

1.0 Framkvæmd	1
2.0 Stjórnarnefnd	2
3.0 Samningar um landsaðgang	4
4.0 Þjónusta	6
5.0 Kynningarstarfsemi og fræðsla	7
6.0 Notkun	8
7.0 Yfirlit	10

LANDSAÐGANGUR að rafrænum áskriftum er upplýsingaveita fyrir Ísland.

Allir sem tengjast netinu í gegnum íslenskar netveitur hafa aðgang að þeim gagnasöfnum, rafrænu tímaritum og rafbókum sem eru í áskrift á vegum Landsaðgangs.

Á vefnum hvar.is er að finna upplýsingar um Landsaðgang, s.s. upplýsingar um áskriftir og þar eru tenglar í leitarvélar birgja, notkunartölur og upplýsingar um greiðendur. Þá er á vefnum leitargluggi fyrir samleit í gegnum leitir.is að efni Landsaðgangs og efni í opnum aðgangi. Á vefnum eru einnig upplýsingar um íslensk gagnasöfn, tenglar í séráskriftir íslenskra háskóla, fréttir af starfsemi Landsaðgangs, tilkynningar um viðburði og krækja á fésbókarsíðu (Facebook) Landsaðgangs. Vefsíðan er einnig á ensku.

1.0 FRAMKVÆMD

Skv. lögum um Landsbókasafn Íslands – Háskólabókasafn (Lbs-Hbs) nr. 142/2011 er það verkefni safnsins að efla aðgang að erlendum gögnum í þágu vísinda og fræða, stjórnsýslu og atvinnulífs. Það er meðal annars gert með því að annast framkvæmd samninga um Landsaðgang að rafrænum gagnasöfnum, tímaritum og bókum í samráði við helstu hagsmunaaðila.

Á fjárlögum ársins 2014 var úthlutað 38,5 milljónum kr. til Landsaðgangs. Það fé rennur til rekstrar verkefnisins og til niðurgreiðslu á samningum við birgja samkvæmt ákvörðun stjórnarnefndar. Sérstakt framlag ríkissjóðs 2014 var 86,4 milljónir kr.

Heildarkostnaður við Landsaðgang á árinu 2014 var 239,1 milljónir, þar af 14,6 milljón í rekstur en áskriftir kostuðu 222,4 milljónir.

Árlega er einhver hluti útsendra reikninga ekki greiddur. Reynt er að innheimta þá eða semja um greiðslur, en þar sem engir formlegir samningar eru milli greiðenda og Landsaðgangsins, er erfitt að halda innheimtunni til streitu. Á árinu var afskrifuð með heimild Ríkisendurskoðunar vegna reikninga frá árinu 2010, 2.1 milljónir kr.

Umsjónarmaður Landsaðgangs síðan 2008 er Birgir Björnsson. Störf hans felast m.a. í samskiptum við birgja, hann þjónustar notendur og greiðendur, sér um kynningu og kennslu, uppfærir íslenskar IP-tölur, er ritstjóri vefsins hvar.is, er í samstarfi við starfsfólk Landskerfis bókasafna vegna lýsigagna og efnis Landsaðgangs, tekur þátt í störfum nefnda og hópa Landskerfis bókasafna eftir því sem við á og hefur umsjón með og stýrir vinnu rýnihópa um málefni Landsaðgangs. Nokkrir aðrir starfsmenn Lbs-Hbs koma að ýmsum verkefnum tengdum Landsaðgangi s.s. samningagerð, gerð greiðsluáætlana, innheimtu, fjárumsýslu og vefmálum. Þessi störf samsvara yfirleitt um tveimur ársverkum í safninu.

2.0 STJÓRNARNEFND

Samkvæmt þjónustusamningum fyrri ára hafði landsbókavörður fimm manna stjórnarnefnd sér til ráðgjafar og hefur því fyrirkomulagi verið haldið eftir að verkefnið varð lögbundið verkefni Lbs-Hbs. Hlutverk stjórnarnefndarinnar er að:

- a) Taka þátt í stefnumótun og ákvarðanatöku um val á rafrænum áskriftum í Landsaðgangi.
- b) Ákveða kostnaðarskiptingu milli notendahópa á hverju ári, að teknu tilliti til hugsanlegra breytinga á högum hvefrrar stofnunar.
- c) Gera árlega fjárhagsáætlun um innkaup og kostnaðarskiptingu og skal sú áætlun liggja fyrir eigi síðar en 1. október fyrir komandi ár.
- d) Taka þátt í og/eða fylgjast með samningagerð við birgja.

Stjórnarnefndin hélt 9 fundi á árinu. Auk þess tóku nefndarmenn þátt í kynningarfundum á vegum birgja. Nefndin starfar eftir erindisbréfi frá 8. júní 2007.

Stjórnarnefnd var síðast tilnefnd á ársfundi 2010. Í stjórnarnefnd 2014 voru Anna Sveinsdóttir, varamaður Ásdís H. Hafstað, Baldvin Zarióh, varamaður Jenný Bára Jensdóttir, Guðrún Tryggvadóttir, varamaður Astrid Margrét Magnúsdóttir, Pálína Magnúsdóttir, varamaður Þóra Sigurbjörnsdóttir og Sólveig Þorsteinsdóttir, varamaður Anna Sigríður Guðnadóttir.

Verkefni stjórnarnefndar

Stjórnarnefnd samþykkti fjárhagsáætlun Landsaðgangs 2014 og gekk frá greiðsluskiptingu fyrir árið 2014. Meðal annarra verkefna má nefna umfjöllun um tilboð og samþykkt samninga, breytingar á tímaritalistum, eftirlit með innheimtu, greiðslum og afskriftum, umfjöllun um notkun efnis í Landsaðgangi, samskipti við birgja, skipan rýnihóps vegna gagna- og tímaritasafna og umfjöllun um niðurstöður hópsins. Sveinbjörg Sveinsdóttir og Telma Rós Sigfúsdóttir frá Landskerfi bókasafna voru gestir stjórnarnefndar og kynntu m.a. tölur um notkun á leitir.is.

Landsaðgangur hefur verið þátttakandi í ICOLC (International Coalition of Library Consortia) síðan 2009 og hefur aðgang að póstlista samtakanna. Þá er Landsaðgangur aðili að COUNTER (Counting Online Usage of Network Electronic Resources) síðan 2010 og hefur aðgang að upplýsingaveitum samtakanna. Samtökin hafa haft frumkvæði að þróun samnefndra staðla um talningu á notkun rafræns efnis. Óskað er eftir að þeir útgefendur sem skipt er við noti COUNTER staðalinn.

Samningar 2014 -2017

Á árinu var samið við Karger fyrir tímabilið 2015-2017. Undanfarin ár hafa áskriftir verið endurnýjaðar til árs í senn vegna EBSCOhost Premier, ProQuest Central, SAGE Premier og Morgunblaðsins og var sami háttur hafður á vegna endurnýjunar 2015. Áskrift að Oxford Art Online var hætt í upphafi árs 2014 en óbreyttur aðgangur að Oxford Music Online. Í lok ársins var undirritaður samningur við Springer vegna 2013-2015 en ákvæði fyrra samnings giltu á meðan að gengið var frá samningnum.

Rýnihópur um gagna- og tímaritasöfn í Landsaðgangi

Rýnihópur um gagna- og tímaritasöfn í Landsaðgangi var skipaður í byrjun árs. Hópurinn hélt níu fundi og var auk þess í samskiptum í gegnum tölvupósta. Niðurstöðum var skilað til stjórnarnefndar í júní. Í rýnihópnum voru:

Birgir Björnsson, Lbs-Hbs, formaður,
Anna Sigríður Guðnadóttir, Heilbrigðisvísindabókasafn Landspítala
Ásdís H. Hafstað, bókasafn Menntaskólans við Hamrahlíð
Baldvin Zarióh, Háskóli Íslands
Helga Kristín Gunnarsdóttir, Lbs-Hbs
Helga Lilja Bergmann, bókasafn Hafrannsóknastofnun
Kristína Benedikz, bókasafn Menntavísindasviðs
Ragna Björk Kristjánsdóttir, Háskólanum í Reykjavík

Með rýnihópnum starfaði einnig Astrid M. Magnúsdóttir, bókasafni Háskólans á Akureyri.

Helsta verkefni hópsins var að bera saman efni og notkun EBSCOhost Premier og ProQuest Central, meta lýsigögn, samþættingu og virkni í SFX krækjuckerfinu og leitir.is. Meirihluti hópsins mælti með því að áskrift að ProQuest Central yrði ekki endurnýjuð og að áskrift EBSCO yrði uppfærð úr Premier gagnasafninu í Extended eða Comprehensive. Lögð var áhersla á að gagnasöfnin væru að fullu leitarbær í leitarþjónustu Primo Central Index (leitir.is). Þátttakandi Heilbrigðisvísindabókasafns LSH skilaði sér greinargerð en þar var lagst gegn því að kaupa áskrift að báðum gagnasöfnunum og að nýta fjármuni sem gætu sparast til að fjölga samningum við útgefendur, en ef ákveðið yrði að kaupa áfram áskrift að gagnasafni er mælt til þess að keyptur verði aðgangur að Premier gagnasafninu frá EBSCO. Áskriftum að þessum söfnum hefur ekki verið sagt upp. ProQuest hefur opnað fyrir lýsigögn sín í SFX krækjuckerfinu á árinu en ekki EBSCO.

3.0 SAMNINGAR UM LANDSAÐGANG

Þær breytingar urðu á efni í Landsaðgangi, að samið var við Oxford University Press um að aðgangur að Oxford Art Online (Grove Art) yrði hætt í upphafi ársins. Notkun hafði dregist mjög saman síðustu árin. Annar aðgangur var óbreyttur.

Gagnasöfn:

- Encyclopedia Britannica (School edition og Academic edition)
- Greinasafn Morgunblaðsins - með 3ja ára birtingartöf
- Oxford Music Online (Grove Music)
- Web of Science

Encyclopedia Britannica og Oxford Music Online (Grove Music) eru söfn greina sem að grunni til eru úr eldri prentuðum alfræðiritum og með síðari tíma viðbótum á vef. Web of Science er tilvísanasafn og sýnir útdrátt og bókfræðilegar upplýsingar um greinar í vísindatímaritum. Hægt er að sækja heildartexta greina með SFX krækjuckerfinu þegar aðgangur er að grein í gagnasafni eða tímaritasafni í Landsaðgangi. Einnig er hægt að komast í tilvísandi greinar í Web of Science með krækjuckerfi Google Scholar.

Samsöfn:

- EBSCOhost Premier
 - Academic Search Premier (13.847 titlar, þar af 4.785 í fullum texta)
 - Business Source Premier (5.122 titlar, þar af 2.219 í fullum texta)
 - MasterFile Premier (2.687 titlar, þar af 1.660 í fullum texta)

Fjöldi titla í fullum texta í EBSCOhost er um 6.200 þegar búið er að taka tillit til tvítaka

- ProQuest Central (17.140 titlar, þar af um 11.358 í fullum texta)

Samsöfn eru söfn tímarita og annars rafræns efnis frá mörgum útgefendum. EBSCOhost og ProQuest gera samninga við útgefendur af öllu tagi og safna saman aðgangsréttindum í stóra pakka. Innan sviga er fjöldi titla í lok árs 2014. Við því er að búast að aðgangur að greinum í fullum texta sé með birtingartöf sem oftast er frá einum mánuði að einu ári. Nokkur skörun er milli EBSCO safnanna og ProQuest Central.

Tímaritasöfn:

- Elsevier ScienceDirect (2.080 titlar)
- Karger Online (78 titlar)
- Sage Premier (615 titlar)
- Springer Link (1.387 titlar)
- Wiley - Blackwell-hluti (729 titlar)

Tímaritasöfn innihalda aðallega tímarit frá einum útgefanda, en auk þess geta verið með nokkur tímarit frá öðrum útgefendum.

Í lok árs 2014 var aðgangur að fullum texta 4.889 tímarita í fullum texta s.k. tímaritasöfnum. Talsverð skörun er á milli samsafnanna EBSCOhost Premium og ProQuest Central og einnig við tímaritasöfn en ætla má að aðgangur hafi verið að um 15 þúsund tímaritatitlum hjá EBSCOhost og ProQuest. Þegar búið er að taka tillit til áætlaðrar skörunar á milli samsafnanna og tímaritasafna má gera ráð fyrir að í Landsaðgangi hafi verið aðgangur að texta um 20 þúsund tímarita.

Rafbókasöfn:

- Springer Link
 - Biomedical and Life Sciences
 - Business and Economics
 - Computer Science
 - Earth and Environmental Science
 - Humanities, Social Sciences and Law

Í upphafi árs 2013 var gerður samningur við Springer Link til þriggja ára, um kaup á rafbókum. Rafbækurnar eru eign Landsaðgangs og notendur geta hlaðið þeim niður í tölvutæki sín og vistað þar svo lengi sem þeir kjósa. Árlega bætast við um 3 þúsund nýir titlar en í lok ársins var aðgangur að 6.033 rafbókatitlum.

Kostnaður við áskriftir var 222,4 milljónir kr., þar af 41,7 milljónir kr. fyrir gagnasöfn og 180,7 milljónir kr. fyrir tímaritasöfn. Framlag af fjárlögum til Landsaðgangs var 38,5 milljónir kr. en þar af var 26,3 milljónum kr. varið til greiðslu á aðgangi. Framlag um 200 greiðenda var um 116,3 milljónir kr. Sérstakt framlag ríkissjóðs var 86,4 milljónir kr. Stærstu greiðendur eru háskóla-, heilbrigðis- og önnur rannsóknabókasöfn. Þau greiða stærsta hluta tímaritasafna (ScienceDirect, Karger Online, Sage Premier, Springer Link

og Blackwell-hluta Wiley), aðgang að Web of Science og stóran hluta samsafna. Almenningsbókasöfn, framhaldsskólasöfn, stjórnsýslusöfn, fyrirtæki og samtök greiða hluta aðgangs að samsöfnum (EBSCOhost Premier og ProQuest Central) og aðgang að gagnasöfnum (Encyclopedia Britannica, Oxford Music Online og greinasafn Morgunblaðsins) ásamt háskólabókasöfnum.

Kostuð gagna- og greinasöfn:

Fyrir utan hinn eiginlega Landsaðgang er aðgangur á öllu landinu að nokkrum gagnasöfnum fyrir tilstilli aðila sem kosta þau. Greiðslur vegna þeirra eru ekki teknar með í tölum um kostnað við Landsaðgang og það sama á við um tölur um notkun.

Kostuð gagna- og greinasöfn:

- ASCE og EiVillage (Compendex)
- OVID
- Journal Citation Reports

Aðilar sem kosta aðganginn:

Verkfræðideild Háskóla Íslands, Háskólinn í Reykjavík, EFLA, Landsvirkjun, Mannvit, Orkuveita Reykjavíkur og VERKÍS.
Landspítali - Háskólasjúkrahús, Landlæknir, Háskólinn á Akureyri og Sjúkrahúsið á Akureyri.
Háskóli Íslands

Opinn aðgangur (OA):

Á vef Landsaðgangsins, hvar.is, er eru krækjur á gagnasöfn og ýmislegt efni sem er opnum aðgangi (Open Access - OA). Þar eru einnig tenglar á rit sem hafa verið í áskrift í Landsaðgangi en eru nú í opnum aðgangi. Þá var krækja í Tímaritaskrá Landsaðgangs (krækjakerfi SFX) að um 9.600 tímaritum í opnum aðgangi hjá DOAJ (Directory of Open Access Journals).

4.0 ÞJÓNUSTA

Á vefnum hvar.is er yfirlit um þjónustu Landsaðgangsins. Þar er aðgangur að efni í áskrift og upplýsingar um starfsemina. Að auki eru tenglar á gagnasöfn í opnum aðgangi (OA) og rafrænar orðabækur í opnum aðgangi.

Efni í landsaðgangi er leitarbært og aðgengilegt eftir ýmsum leiðum, s.s. beint frá leitarvélum og vefsíðum birgja, frá vefjum bókasafna, skóla eða annarra stofnana, frá gegnir.is og leitir.is, gegnum skrána *Finna tímarit* á landsbokasafn.is, með leitarvélum

eins og Google og Google Scholar og gegnum þjónustur svo sem HighWire en í gegnum krækjuckerfi þeirra er einnig hægt að komast í greinar í Landsaðgangi. Þá hafa notendur möguleika til að nálgast efni í gegnum ýmis snjalltæki og geta sótt smáforrit eða öpp fyrir einstök gagnasöfn til að nota í snjallsímum og spjaldtölvum. Markmiðið er að auðvelda notendum að nálgast efni Landsaðgangs og að það sé aðgengilegt sem víðast.

Verkefnaáætlun - 2014

Á vegum Lbs-Hbs er unnið að árlegum verkefnaáætlunum og tekur umsjónarmaður þátt í því starfi. Þar eru sett fram verkefni sem falla að stefnu safnsins og átaksverkefni sem teljast til daglegra starfa. Á árinu 2014 tók umsjónarmaður þátt í:

- starfi rafgagnahóps á vegum Landskerfis bókasafna,
- vinnu rýnihóps um gagna- og tímaritasöfn í Landsaðgangi sem skilaði niðurstöðu til stjórnarnefndar í júní,
- fundi Nordlic Meeting sem fram fór í Kaupmannahöfn 12. og 13. júní.

5.0 KYNNINGARSTARFSEMI OG FRÆÐSLA

- Bæklingum er dreift til bókasafna samkvæmt beiðnum þeirra og þegar umsjónarmaður kynnir aðganginn. Alls var dreift um 70 bæklingum árið 2014 samanborið við 135 bæklinga árið 2013.
- Umsjónarmaður var með kynningu á Landsaðgangi á námskeiðum í bókasafns- og upplýsingafræði við HÍ í mars.
- Umsjónarmaður kynnti Landsaðgang fyrir erlendum gestum Lbs-Hbs.
- Umsjónarmaður var með kynningu hjá Landsvirkjun í september.
- Umsjónarmaður var með kynningu á áskriftum í landsaðgangi hjá Landskerfi bókasafna í september.
- Umsjónarmaður kynnti Landsaðgang á fundi bókasafnsfræðinga í grunnskólum.
- Umsjónarmaður tók þátt í fjórum kynningum um haustið á vegum Landskerfa bókasafns undir heitinu, *Leitir á faraldsfæti*.

Upplýsingum og fréttum var miðlað til notenda á vefnum hvar.is og á póstlistanum Skrudda, um bókasafna- og upplýsingamál. Þá eru tilkynningar sendar á póstlistann hi-starf@hi.is sem berst starfsmönnum Háskóla Íslands og upplýsingum er miðlað á fésbókarsíðunni Landsaðgangur, auk annars efnis. Lesendur ársskýrslunnar eru hvattir til að láta sér líka við Landsaðgang á fésbókinni.

Tilraunaaðgangur

Á árinu var tilraunaaðgangur var að eftirfarandi efni:

- Web of Science – aðgangur að stækkaðri útgáfu í þrjú mánuði í lok árs.
- Emerald – aðgangur að efni um 372 rafrænna tímarita og 138 ritraða á rafbókarformi í þrjú mánuði á síðari hluta ársins.
- SpringerReference – aðgangur að tæplega 200 uppflettiritum á ýmsum fræðasviðum.

Heimsóknir

Martin Blomkvist frá ProQuest var með kynningu og kennslu í Þjóðarbókhöðu 9. október.

Sölumenn frá Cambridge University Press, EBSCO, Elsevier, Emerald, ProQuest, Springer, Taylor&Francis og Thomson Reuters heimsóttu Ísland á árinu og áttu fundi með umsjónarmanni og starfsfólki Lbs-Hbs,

6.0 NOTKUN

Frá og með 2012 styðjast allir birgjar Landsaðgangs við COUNTER-staðalinn við notkunartalningu, ef frá er talið Morgunblaðið og Encyclopedia Britannica sem safnar notkunartölum samkvæmt staðlinum en hefur ekki sóst eftir vottun. Hjá útgefendum og samsöfnum eru taldar sóttar greinar í fullum texta eða sóttir bókarkafnar. Web of Science er tilvísanasafn, sem geymir upplýsingar um greinar og útdrætti úr þeim, en ekki fullan texta greinanna, heldur vísar í hann. Notkun á tilvísanasafninu Web of Science er mæld í heimsóknum (sessions) og leitum (queries).

Tafla 1. Tímaritasöfn, fjöldi sótttra greina í fullum texta.

Tímaritasöfn	2014	2013	2012	Breytingar
Elsevier ScienceDirect	336.699	335.987	312.552	0,21%
Karger Online	4.709	3.895	2.958	20,90%
SAGE Premier	84.591	83.290	69.638	1,56%
Springer	75.917	81.668	59.356	-7,04%
Wiley (Blackwell-hluti)	194.134	165.462	116.570	17,33%
Samtals	696.050	670.302	561.074	3,84%

Tafla 2. Samsöfn, fjöldi sótttra greina í fullum texta.

Samsöfn	2014	2013	2012	Breytingar
EBSCOhost Premier	116.172	108.665	104.854	6,91%
ProQuest Central	159.051	157.150	182.593	1,12%
Samtals	275.223	265.815	287.447	3,54%

Tafla 3. Gagnasöfn, fjöldi sótttra greina í fullum texta.

Gagnasöfn	2014	2013	2012	Breytingar
Britannica Online	242.664	234.923	409.093	3,30%
Oxford Art Online*	141	1.396	2.637	-
Oxford Music Online	2.923	4.799	5.554	-39,09%
Samtals	245.728	241.118	417.284	1,91%

*Áskrift sagt upp í upphafi árs 2014 - aðgangur lokaðist í maí.

Tafla 4. Rafbækur, fjöldi sótttra bókakafna í fullum texta.

Rafbækur	2014	2013	2012	Breytingar
SpringerLink	26.884	19.060	-	41,05%

Tafla 5. Samanlagður fjöldi greina og rafbókakafna

Heildarfjöldi greina og rafbókakafna	2014	2013	2012	Breytingar
Tímarita-, sam-, gagna- og rafbókasafna	1.243.885	1.196.295	-	3,98%

Tafla 6. Greinasafn Morgunblaðsins með 3ja ára birtingartöf, fjöldi sótttra greina.

Gagnasafn	2014	2013	2012	Breytingar
Morgunblaðið	1.771.220	2.009.862	2.598.155	-11,88%

Tafla 7. Samanlagður fjöldi sótttra greina í fullum texta.

Heildarfjöldi sótttra greina og bókakafla	2014	2013	2012	Breytingar
Tímarita- gagna- rafróbókasöfn og Morgunbl.	3.015.105	3.206.157	3.863.960	-5,96%
Tímarita- sam-, gagna- og rafróbókasöfn Morgunblaðið ekki meðtalið	1.243.885	1.196.295	1.265.805	3,98%

Tafla 8. Tilvísanasafn, fjöldi heimsókna og fjöldi leita.

Tilvísanasafn	2014	2013	2012	Breytingar
Web of Science (heimsóknir/sessions)	86.452	96.848	114.551	-10,74%
Web of Science (leitir/queries)	85.704	162.362	212.483	-47,22%

Tafla 9. Vefgáttin hvar.is.

Vefgáttin hvar.is	2014	2013	2012	Breytingar
Notendur (users)	43.318	48.539	54.263	-10,76%
Heimsóknir (sessions)	72.180	83.797	88.101	-13,87%
Síðuflettingar (page impressions)	131.569	170.895	202.338	-23,00%

Umferð um hvar.is er mæld af Modernus með samræmdri vefmælingu. Reglur um samræmdar vefmælingar eru birtar á www.modernus.is. Árið 2014 var uppsafnaður fjöldi notanda ríflega 10% færri en árið áður. (Notandi er mældur einu sinni í hverri viku eftir IP-tölu). Heimsóknum fækkaði um tæplega 14% á árinu. Síðuflettingum (hver einstök tenging notanda við vef) fækkaði um ríflega 23%. Vefur Landsaðgangs, hvar.is var í 107 sæti á árslista Modernus 2014. Notendur hafa sífellt fleiri leiðir til að finna efni í Landsaðgangi (sjá kafla 4.0) og því er eðlilegt að notkun á hvar.is hafi dalað.

7.0 YFIRLIT

Fjöldi sótttra greina í tímaritasöfnum jókst að meðaltali um tæplega 4% árið 2014. Hjá Elsevier – Science Direct var aukningin 0,21%, hjá Karger var aukningin tæplega 21%, hjá SAGE ríflega 1,5%, hjá Springer var ríflega 7% samdráttur og notkun í Blackwell-hluta Wiley jókst um ríflega 17%. Notkunartölur eru skráðar samkvæmt COUNTER

staðli en notkun greina í opnum aðgangi eftir gullnu leiðinni (Golden Open Access) er ekki meðtalin.

Heildarfjöldi sótttra greina í fullum texta í samsöfnum var að meðaltali ríflega 3,5% meiri en á fyrra ári. Hjá EBSCOhost Premier varð 6,91% aukning á fjölda sótttra greina og hjá ProQuest Central varð aukning um 1,12%.

Heildarfjöldi sótttra greina í gagnasöfnum jókst að meðaltali um tæplega 2%. Notkun á Encyclopædia Britannica jókst um 3,3% og notkun á Oxford Music Online minnkaði um ríflega 39%. Áskrift að Oxford Art Online hætti í upphafi árs en gagnasafnið var engu að síður aðgengileg fram í maí.

Fjöldi sótttra bókakafla í rafrókasöfnum frá Springer jókst um ríflega 41%.

Heildarfjöldi greina og rafrókafla í fullum texta jókst um tæplega 4%.

Fjöldi sótttra greina í greinasafni Morgunblaðsins minnkaði um tæplega 12%.

Heildarfjöldi sótttra greina og bókakafla ásamt greinum úr Morgunblaðinu dróst saman um tæplega 6%. Heildarnotkun tímarita- og gagna- og rafrókasafna (notkun á Morgunblaðinu ekki meðtalin) jókst um 3,38%.

Heimsóknum í Web of Science fækkaði um tæplega 11% og leitum fækkaði um ríflega 47%.

Fjöldi notenda á vefgáttina hvar.is fækkaði um ríflega 10%, heimsóknum fækkaði um tæplega 14% og síðuflettingum fækkaði um 23%.

Nánari upplýsingar um notkun er að finna á vef Landsaðgangs - hvar.is, á undirsíðunni *Um landsaðgang* og velja svo *Notkunartölur*.

Mars 2015,
Birgir Björnsson
umsjónarmaður Landsaðgangs að rafrænum áskriftum.